



Broj: JN2-01-07-1-464-6/17
Sarajevo, 16.08.2017. godine

Ured za razmatranje žalbi, rješavajući po žalbi ponuđača DIAMEDIC d.o.o. Sarajevo od 26.07.2017. godine, izjavljenoj na Tendersku dokumentaciju, ugovornog organa Klinički centar Univerziteta Sarajevo, Sarajevo u postupku javne nabavke Reagensi i potrošni materijal aplikabilni na tehnologiju Cobas 600 (integracija <e 601> i <c501> u vlasništvu) za potrebe O.J. Klinika za nuklearnu medicinu i endokrinologiju i O.J. Klinička hemija i biohemija KCUS-a, na osnovu čl. 103. i čl. 111. Zakona o javnim nabavkama Bosne i Hercegovine (Službeni glasnik BiH" broj:39/14), i člana 193.st 1. i 2., i čl. 230 st.1 Zakona o upravnom postupku ("Službeni glasnik BiH" br:29/02, 12/04, 93/09 i 41/13) na sjednici Ureda za razmatranje žalbi, održanoj dana 16.08.2017. godine, donio je

RJEŠENJE

1. Žalba ponuđača DIAMEDIC d.o.o. Sarajevo od 26.07.2017. godine se usvaja.
2. Poništava se Tenderska dokumentacija za Pregovarački postupak bez objave obavještenja o nabavci, broj nabavke:A-1874/17, Reagensi i potrošni materijal aplikabilni na tehnologiju Cobas 600 (integracija <e 601> i <c501> u vlasništvu) za potrebe O.J. Klinika za nuklearnu medicinu i endokrinologiju i O.J. Klinička hemija i biohemija KCUS-a.
3. Povrat uplaćenih sredstava na ime naknade žalbenog postupka u iznosu od 7.500,00 KM ponuđača DIAMEDIC d.o.o. Sarajevo izvršit će se na osnovu posebnog Rješenja ovog organa.

OBRAZLOŽENJE

Ugovorni organ, Klinički centar Univerziteta Sarajevo, Sarajevo, pokrenuo je Pregovarački postupak bez objave obavještenja o nabavci, broj nabavke:A-1874/17, Reagensi i potrošni materijal aplikabilni na tehnologiju Cobas 600 (integracija <e 601> i <c501> u vlasništvu) za potrebe O.J. Klinika za nuklearnu medicinu i endokrinologiju i O.J. Klinička hemija i biohemija KCUS-a.

Nezadovoljan navedenim postupkom javne nabavke, ponuđač DIAMEDIC d.o.o. Sarajevo je uložio žalbu od 26.07.2017. godine.

Ugovorni organ je postupajući u skladu sa odredbama člana 100. stav (5) Zakona o javnim nabavkama, prosljedio navedenu žalbu Uredu za razmatranje žalbi zajedno sa kompletnom dokumentacijom. Navedena žalba je zaprimljena kod ovog organa dana 03.08.2017. godine.

Žalitelj u žalbi navodi:

- U svom pozivu za dostavljanje ponude isključivo jednom dobavljaču kompaniji Farmavita d.o.o. Sarajevo, ugovorni organ se poziva na čl. 21. stav jedan pod c.) i član 28. Zakona o javnim nabavkama BiH („Službeni glasnik br.39/14), podzakonske akte i Tendersku dokumentaciju. Smatramo da je naša firma